

清・許佐廷 撰

喉科白腐要旨



清・許佐廷 撰

喉科白腐要旨



喉科白腐要旨・解題

清・許佐廷撰。成書於光緒元年（公元一八七五年）。

許佐廷，字樂泉。安徽歙縣人。

此書二卷，爲喉科醫著。今收錄卷二與本草藥相關之『藥性辨』，辨藥五十種；『白腐症宜用藥味』，述喉症藥二十四種；及『白腐問答論』。

今據清・光緒元年（公元一八七五年）古歙芳遠堂刻本影印。

（劉國堂）

喉科白腐要旨

藥性辨 此不宜於白腐症

羌活 凡喉風諸症首在切忌於白腐尤屬不宜但羌活乃手足太陽引經之藥散肌表寒邪和周身疼痛與喉患全不相涉何必表及無辜今時之醫一遇喉症動輒用之以致症之轉重而不能收功者有之不知善治者無論風寒發熱之與否從未用之有熱自退且喉患易愈亦不愆期執而不悟者可不審慎與

喉科白腐要旨

卷二

藥性辨

七

獨活 入腎與膀胱二經專理下焦風濕痛痺亦非喉症所宜投也

秦艽 本入陽明清火藥也治風寒濕痺利小水解瘟疫熱毒或牙痛發熱者可用

荊芥 一名假蘇乃解肌發表退寒熱清頭目亦稱利咽喉惟於白腐不宜不可因利咽喉而遂用之此本至賤之物近日亦有假或云以野蘇爲之也麻黃 辛甘而微溫入手太陽足太陰二經去營中寒邪善達肌表走經絡大表散風邪祛肺中寒鬱

而開通利九竅爲散寒邪要藥也 白腐症屬肺虛燥熱因誤投表散及寒涼之劑以致喘促醫者不悟仍復爲肺熱繼用麻黃肺氣必絕而死矣可不慎乎

細辛 氣溫大辛爲手少陰引經之藥開關通竅治風寒喉痺雖曰少陰之脈循絡咽喉而肺燥咽痛及白腐者皆不可用其辛散太過涉虛者尤爲不宜且北細辛眞者甚少或云葦蘆萆爲之

柴胡 苦微辛氣平微寒入肝胆三焦心胞四經其

喉科白腐要旨

卷二

藥性辨

八

性涼故解寒熱往來肌表潮熱少陽頭痛肝經鬱症溫瘧熱甚平肝熱口苦總之邪實者可用眞虛者不宜 張會稽曰柴胡大能泄氣凡陰虛水虧而孤陽勞熱者不可用恐損營氣也 王海藏曰苟無實熱而用柴胡不死何待

前胡 苦降微寒肺肝之藥散風祛熱消痰下氣二胡均風藥柴胡主升前胡主降近日庸流二胡每並用之殊屬可笑

川芎 辛微甘氣溫其性善散乃血分藥也能通血

海多服令人走散真氣能致暴亡若三陽火壅於上而頭痛者得升反甚今人不明升降而但知川芎治頭痛謬亦甚矣如喉科之開關散卽川芎白芷二味若是近日之喉患亦豈宜施之乎

白芷 辛溫氣厚手陽明引經本藥也其氣辛者達表逐風寒邪熱及肺經風熱治瘡瘍排膿止癢痛治頭痛通九竅大能表汗

黃芩 苦寒之品入心勝熱解瘟疫清咽治肺胃實熱 時珍曰肺虛不宜苦寒傷土損其母也白腐

喉科白腐要言

卷二 藥性辨

九

症可施之乎

葛根 辛甘氣平寒陽明經藥也輕揚發散主頭額痛解肌止渴宜癰發痘消毒解酒雖善達諸陽經而陽明爲最以其氣輕故善解表發汗用此治喉患大非所宜

桔梗 治諸喉風相宜一兼虛喉最當慎用至於腐症大不相宜有升無降開提肺竅能載諸藥上行其肺實者固可用若白腐屬肺腎陰虛之症不宜升提肺竅犯之反劇甚有不知病之本源妄用三

錢以致肺氣益虧而愈閉復加菖蒲以助之其不殆也幾希

牛旁子 辛溫入肺利咽喉消斑疹善走十二經而解中有散凡咽喉紅腫有形起白者可用一屬虛症卽忌用

射干 苦寒有毒本草雖載治咽喉痺痛要藥療實熱症則可知實中兼虛者卽不可用若白腐一症豈苦寒有毒之味能治者乎

山豆根 大苦大寒固有治咽喉之名或於實症喉

喉科白腐要旨

卷二

藥性辨

十

痺則可用若論白腐本屬肺虛燥症豈可妄投亦不宜與射干之苦寒同用識者當慎之

桑白皮 西方之藥甘辛微苦氣寒乃瀉肺實之火雖曰清肺止咳喘亦非白腐所宜張會稽曰既瀉肺實又云補肺則未必然李士材曰古稱補氣者非若參芪之正補乃瀉邪所以補正也昧者信爲補劑而肺虛者亦用之大失桑皮之面目矣且近來市中所貨者每以山查根充售更不相宜是以眞偽不可不辨

天花粉 苦寒氣味頗清最涼心肺善解熱渴亦不宜於白腐

白前 治肺氣壅塞胸膈逆滿虛者忌用

款冬花 辛而微溫入手太陰經能溫肺氣能治咳嗽惟是辛溫以治肺寒則可如白腐兼咳嗽即不相宜

馬兜鈴 苦寒氣薄入手太陰肺經苦降之品清肺

熱止咳嗽喘促 體輕而虛與肺同象故專司肺

實喘嗽以清熱降氣為功如屬肺虛喘嗽非所宜

喉科白腐要旨

卷二 藥性辨

七

也

烏勃 辛平輕虛清肺解熱散血治喉痺咽痛鼻衄

失音各症此乃療屬實之用故普濟消毒飲用之

則非白腐咽痛音啞所宜外用敷癰瘡妙

枇杷葉 苦辛平肺胃藥也雖清肺降火除痰嗽止

嘔噦亦非白腐症之所宜用

旋覆花 即金沸草 甘鹹微溫入肺與大腸二經通血

脈消結痰祛痞堅凡氣壅濕熱者宜之若氣虛及

腎陰不足皆所忌用

土牛膝 味甘辛微毒搗汁和人乳治風熱實症喉
閉立取吐痰涎開闢其餘喉患切勿用及既傷元
氣並且不效

山梔仁 苦寒清心肺之火陰熱鬱通五淋三焦火
鬱因其味降亦瀉肝腎膀胱之火虛寒者大非所
宜

半夏 味大辛微苦氣溫有毒其質滑酒其性燥濕
入脾胃胆經生嚼戟喉製用下肺氣開胃健脾消
痰止咳除嘔吐反胃散風開喉闢 成聊攝云半

喉科白腐要旨

卷二

藥性辨

七

夏辛而散行水而潤腎燥 好古曰半夏泄痰之
標不能泄痰之本泄本者泄腎也咳無形而痰有
形無形則潤有形則燥所以爲流濕潤燥耳俗以
半夏爲肺藥非矣 喻嘉言曰半夏能和陰陽
時珍曰惟陰虛勞損非濕熱之邪而用之是重竭
其津液醫之咎也非藥之罪也試思白腐之燥宜
乎不宜

木通 一名通草味苦氣寒心胞絡小腸膀胱藥也能
利九竅宜血脈消水腫通關節雖有清火退熱之

名於喉患不可妄用

茜草一名過山龍色赤入營分味苦性溫行血滯通經脈活血與紅花相同而性更通利凡喉腫色紫熱在血分者宜用其餘各喉患切勿浪投

紫荊皮 苦寒無毒破血癰腫可消亦不宜於肺虛各喉患奈今時治咽喉者無不用之殊可笑也

夏枯草 苦辛微寒獨入厥陰善解肝氣消瘰癧散結氣止目珠痛開鬱癰乳癰並非治喉之藥

苦參 大苦燥濕大寒勝熱沈降入腎乃治惡瘡癰

喉科白腐要旨

卷三

藥性辨

三

肺之藥肝腎虛而無熱者忌之咽喉白症更非所宜

赤小豆 甘酸而平消熱毒下水腫利水之品最滲津液多服令人枯瘦白腐症切忌利水

豬苓 甘淡而平入足太陽開腠理利小便療痰癰

並非治咽喉之品 宗義曰損腎昏目 潔古云

淡滲燥亡津液無濕者勿服 李士材曰利小便

之劑無如此効故不入補方也審此則白腐尤不

宜用更可知矣

茵陳 入足太陽經乃治黃疸濕熱之藥豈可投入白腐症乎

地骨皮 卽枸杞根苦而微寒乃退陰虛血熱有汗之骨蒸及肺腎胞中陰虛之伏火亦滋水養木於白腐雖無礙不可用

升麻 微苦氣甘微辛乃脾胃肺與大腸四經之藥取其升散提氣解膚腠風熱斑疹引石骨除齒牙臭爛腫痛若上質氣壅諸火炎上腎肺不足水火無根及白腐皆忌用

喉科白腐要旨

卷二

藥性

古

燈草心 甘淡微寒瀉肺熱降心火治五淋除水腫惟燒燈心灰仁治喉痺勿因瀉肺熱用人白腐各症

連翹 苦辛微寒手足少陽陽明手太陰之藥瀉心經客熱降脾胃濕熱諸瘡疔瘰皆屬心火爲瘡家要藥惟白腐不相宜

犀角 苦辛微甘氣寒專入陽明清胃火亦涼心瀉肝能解大熱風毒陽毒切勿妄施於喉患各症及白腐發斑 仲師曰如無犀角以升麻代之者功

皆升散是但知犀角之解熱而不知犀角之能升

散尤峻速於升麻也可不慎與
羚羊角 鹹寒屬木走少陽厥陰二經故清肝定風
於咽喉各症皆無所用

黃連 大苦大寒治實火之主藥惟於喉症不可妄
用 王冰註云增味益氣如久服黃連以爲清火
神劑殊不知黃連瀉實火若虛火而誤投之何異
操刃耶可知白腐之屬虛更不可妄施矣

石膏 甘寒善祛肺胃三焦之火尤爲陽明經實症

喉科白腐要言

卷二

藥性辨

主

之要藥若白腐兼發丹斑疹者切勿輕投

大黃 苦寒足太陰手足陽明手足厥陰五經血分
之藥也有毒性極猛烈故有將軍之號推陳致新
直走不守清濕熱行瘀血破結聚本血分之藥若
在氣分用之未免誅伐太過矣乃治傷寒及瘟疫
實症之品考之諸本草未載治咽喉痺痛尤於白
腐大不相宜嘗見治喉症者亦每用之是誠何心
哉

龍胆草 大苦大寒肝胆經藥也 時珍曰相火寄

在肝胆有瀉無補故瀉肝胆之熱正益肝胆之氣
但大苦大寒過服恐易傷胃中生發之氣反助火
邪亦久服黃連反從火化之義也雖治咽喉風熱
亦不可投於白腐一症

菖蒲 辛溫心肝藥也行滯氣開心竅明耳目通利
九竅出音聲仙經歷稱菖蒲爲水草之精英神仙
之靈藥但白腐之音啞乃爲表散及寒涼之品傷
伐肝腎非風熱閉塞於肺也豈可因其能出音聲
而妄施之乎

喉科白腐要旨

卷二

藥性辨

去

白殭蠶 厥陰陽明之藥散風癢治風熱喉痺但味
辛鹹性溫有小毒亦不利於白腐症

蟬退 甘寒而微涼得土木餘氣所化餐風吸露其
氣清虛乃治屬實之風熱開腠理能出聲音取輕
可去實之義治風熱閉塞之音啞者至於白腐之
音啞又非蟬退所能療雖曰金空則鳴蓋因肺陰
虧而遭悞治之故聲音出於腎之本觀此可知所
由來矣

梁蒲刺壳 苦澁而涼陳者尤涼凡於口瘡舌瘡口

瘡症皆不可用此煎洗不知者每爲所悞以致舌瘡愈蔓及延至咽喉上腭皆有轉爲白纏喉而天亡者不少予所見舌瘡未用栗蒲壳洗者易治倘經洗過多次必定難療曾屢驗之卽此一味由於世人未知苦澁之爲害最大耳

青苔 大苦大寒得陰濕而生有小毒惟治下疳煎湯洗之大妙能解蜈蚣傷 近有好奇之士煎水

洗口舌生瘡每爲所悞不淺

案癸酉秋日某農人偶受風熱齒痛及咽痛不肯服藥自飲石膏湯二大碗復取青苔煎湯含於口

喉科白腐要旨

卷三

藥性辨

七

內齒患未平而人事已皆沈矣來求予治診得二脈濡弱無力勢將危殆乃投以養陰重劑及甘溫之品調治月餘乃愈可知青苔一藥不可妄投慎之慎之

以上諸藥與白腐屬燥肺腎不足以及口舌生白瘡各症皆不相宜奈庸庸之輩以爲喉症應用之藥隨手施之動多夭枉殊堪悲憫故特表而出之

喉科白腐要旨

白腐症宜用藥味

生地 甘寒氣涼入心腎二經養陰清熱爲喉科要藥但兼破血不可多用

熟地 甘溫微苦功用尤爲宏大補氣血滋培腎水填骨髓益真陰專補腎中元氣凡真陰虧虛爲發熱爲頭痛爲喉痺爲氣喘爲痰嗽或虛火載血於口鼻或陽浮而爲狂燥或陰虛而火升者皆非熟地不可與甘草同用能開胃進食誠爲上品治喉

喉科白腐要旨

卷二

白腐症宜用藥味

六

患之神丹 羣芳譜載治肺損牙宜跟露跌撲損傷嗟乎熟地之功其不申於時用者久矣尤畏忌於今時諸醫既不善用獨執此而誹謗之殊可恨耳

天門冬 甘苦而寒肺腎之藥清金降火益水之源麥門冬 甘而微寒肺經藥也其味甘多苦少故上行心肺補上焦之津液清肺中之伏火益精滋陰澤肌潤結瀉熱火而益元氣滋燥金而清腎水潤肺乾咳嗽消痰補袪誠爲要藥 腸燥便結亦妙